

卷六

金匱要畧
工



張仲景金匱要畧論註卷二十一

橋李徐

彬忠可甫著

姪徐嘉炎勝力父較

婦人產後病脉證治第二十一

論一首
六條

方八首
脉證

問曰新產婦人有三病一者病瘧二者病鬱冒三者大便難何謂也師曰新產血虛多汗出喜中風故令病瘧亡血復汗寒多故令鬱冒亡津液胃燥故大便難

註曰產婦與人同襍病原無定但從產上得之則



中醫藥大學圖書館藏

以三病爲言。正言其病雖三。因則一也。一病。痙。痙者。身熱惡寒。足寒面赤。卒口噤。背反張也。脉經曰。痙家其脉伏堅直上下。二者病鬱胃鬱胃者。抑鬱而昏胃也。三者大便難難者。出之堅而非閉也。人不同而病同。故疑而問。不知新產血虛。血虛因多汗而邪乘虛入。乃喜中風。喜者易也。風入于血虛之體。無真氣以禦之。則風爲主。而痙如枯木得風。燥而翹矣。亡血復汗。則真氣既耗。內寒自生。故曰。寒多寒留于陰陽兩虛之體。則陰火鬱而上。胃若

或蒙之矣。血與汗皆津液所生。血虛汗出。津液既亡。燥邪旋發。燥則熱。熱則乾。乾則大便難于出矣。

產婦鬱胃。其脈微弱。嘔不能食。大便反堅。但頭汗出。所以然者。血虛而厥。厥而必冒。冒家欲解。必大汗出。以血虛下厥。孤陽上出。故頭汗出。所以產婦喜汗出者。亡陰血虛。陽氣獨盛。故當汗出。陰陽乃復。大便堅。嘔不能食。小柴胡湯主之。

方見嘔吐中

註曰。此下言新產之病。雖三症病尚少。唯鬱胃與大便堅。每相兼而具。且詳其病因與治法也。謂產

婦鬱胃虛多而邪少故其脉微弱中氣虛也中虛則陰火爲逆而嘔且不能食然不能食似乎胃弱易泄而不知亡津胃燥故大便反堅內虛燥而身之陰陽不和故身無汗但頭汗出數證乃鬱胃中兼有之證也因復詳病因謂所以胃者何血虛則陰不能維陽而下厥厥者盡也寒也下寒則上鬱如胃胃家欲解必大汗出見當聽其自汗非汗下所宜也其所以頭汗者何既血虛下厥則下之陰氣盡而陽爲孤陽陽孤則上出而頭汗矣然既頭

汗○仍○喜○其○汗○出○而○解○者○何○蓋○陰○不○亡○則○血○未○大○虛○
唯○產○婦○之○血○至○過○多○而○亡○陰○則○陽○為○孤○陽○自○陰○較○
之○陽○為○獨○盛○所○以○喜○其○汗○損○陽○而○就○陰○則○陰○陽○平○
故○曰○乃○復○然○大○便○堅○非○熱○多○乃○虛○燥○也○嘔○非○寒○乃○
膽○氣○逆○也○不○能○食○非○實○邪○乃○胃○有○虛○熱○則○不○能○食○
也○故○以○柴○胡○參○甘○苓○半○薑○棗○和○之○

病○解○能○食○七○八○日○更○發○熱○者○此○為○胃○實○大○承○氣○湯○主○
之○
方見
痙病

註○曰○此○段○言○大○虛○之○後○有○實○證○即○當○以○實○治○故○謂○

病解能食則經絡臟腑之氣俱平無產後本病可疑至七八日更發熱不惡寒又無表證可疑是食復之象故曰胃實大承氣峻逐之恐因循致虛也屬詞比事新產當胃大虛之後藥不嫌峻如此况他病乎

產後腹中疼痛當歸生薑羊肉湯王之併治腹中寒

疝虛勞不足

方見寒疝

註曰疼痛者緩緩痛也。槩屬客寒相阻故以當歸通血分之滯生薑行氣分之寒。然胎前責實故當

歸白芍散內加茯苓澤瀉其水濕此之產後也
藥責虛故君之以羊肉所謂形不足者補之以味
也蓋羊肉補氣疔痛屬氣弱故宜之此方攻補兼
施故并治寒疝虛損

產後腹痛煩滿不得卧枳實芍藥散主之

註曰痛藥由氣阻腹痛則脾虛氣弱而阻也脾虛
而正氣不歛則滿氣阻而壅火在上則煩壅極而
陽明逆不得從其道則不得卧故以枳實通氣所
謂通則不痛也芍藥補脾歛氣以消滿也氣順不

小麥爲肝
家之穀

痛則不煩而卧矣。然通氣歛血則氣血自調。故又
主癰膿。以麥粥下之。和肝氣以養心脾也。

枳實芍藥散方

枳實

燒令黑
勿太過

芍藥

等分

右二味杵爲散。服方寸匕。日三服。并主癰膿。以麥
粥下之。

師曰。產婦腹痛。法當以枳實芍藥散。假令不愈者。此
爲腹中有瘀血。着臍下。宜下瘀血湯主之。亦主經水
不利。



註曰此言產婦腹痛果是脾虛氣阻枳實芍藥散
逐惡氣歛正氣決無不愈有不愈卽不可責
是有瘀血然產後之血不能瘀于上故曰臍下
有瘀血卽當專攻血不得復徂虛寒二字掣肘其
藥力故直以大黃桃仁蟅虫峻攻之謂病去卽是
補耳唯專去瘀血故亦主經水不利旣曰新血又
曰如豚肝驟結之血也

下瘀血湯方

大黃

三兩

桃仁

二十枚

蟅虫

二十枚

去足

右三味末之煉蜜和爲丸以酒一升煮取八合頓服之新血下如豚肝

產後七八日無大陽證少腹堅痛此惡露不盡不大便煩躁發熱切脉微實再倍發熱日晡時煩躁者不食食則譫語至夜卽愈宜大承氣主之熱在裏結在膀胱也

註曰此條言產後惡露不盡有血瘀而病實不在血因腹內有熱致血結膀胱其辨尤在至夜卽愈四字謂產後七八日則本虛稍可矣無太陽證則



北京中医药大学图书馆藏

非頭痛發熱惡寒之表證矣。乃少腹堅痛非惡露
不盡而何。然而不大便則爲腸胃中燥熱煩躁發
熱則爲實熱上攻。脉微實則又非虛比。更倍發熱
日晡煩躁則爲脾胃鬱熱證。更食則譫語胃熱尤
確。諸皆熱結腸胃之證。而非惡露不盡本證也。况
至夜卽愈。病果在陰則宜夜重而夜反愈。豈非實
熱內結乎。故以大承氣主之。意在通其熱結以承
接其元氣。則惡露自行。不必如前之單下瘀血。恐
單去血而熱不除。則并血亦未必能去也。故復總

言之曰熱在裏卽傷寒論表裏之裏謂當攻裏也
曰結在膀胱是言血偶因熱而結非血自結之病
故不當攻血也

產後

該有中字

風續續數十日不解頭微疼惡寒時時有

熱心下悶乾嘔汗出雖久陽旦證續在耳可與陽旦

湯

卽桂枝加黃芩

註曰此段言產後中風淹延不愈而表裏祿見者
仍當去其風也謂中風之輕者數十日不解似乎
不可責表然頭疼惡寒汗出時有熱皆表證也心



下。問。乾。嘔。大。陽。之。邪。欲。內。入。而。內。不。受。老。傷。寒。有。陽。旦。湯。乃。桂。枝。湯。加。黃。芩。以。治。太。陽。中。風。而。熱。者。今。久。風。而。熱。不。已。則。陽。旦。證。仍。在。陽。旦。湯。何。不。可。與。而。因。循。以。致。誤。也。

產後中風發熱面正赤喘而頭痛竹葉湯主之。

註曰中風發熱頭痛表邪也。然而面正赤此非小可。淡紅所謂面若粧朱。乃真陽上浮也。加之以喘氣高不下也。明是產後大虛元陽不能自固而又燥。以表邪自宜攻補兼施。故以桂甘防葛桔梗薑棗。

清其在土之邪。竹葉清其膽腑之熱。而以參附培元氣。返其欲脫之陽。然以竹葉名湯。要知本寒標熱。瞻居中道。清其交接之緣。則標本俱安。竹葉實為功之首耳。頸項強則下虛尤甚。故加大附。嘔則逆而有水。故加半夏。

竹葉湯方

竹葉 一把 葛根 三兩 防風 一兩 桔梗 一兩

桂枝 一兩 人參 一兩 甘草 一兩 附子 一枚

大棗 十五 生薑 五兩



右十味以水一斗煮取二升半分溫三服溫覆使汗出○頸項強用大附子一枚破之如豆大

該是入字

前藥湯去沫嘔者加半夏半升洗

婦人乳中虛煩亂嘔逆安中益氣竹皮大丸主之

註曰乳者乳子之婦也肝氣原不足中虛者中氣

大虛也脾土復困弱于是火上壅則煩氣上越則

嘔煩而亂則煩之甚也嘔而逆則嘔之甚也病本

全由中虛然而藥止用竹茹桂甘石膏白微者蓋

中虛而至爲嘔爲煩則肝脾受邪煩嘔爲主病故



以竹茹之除煩止嘔者爲君。胸中陽氣不用。故以
桂甘扶陽而化其逆氣者爲臣。以石膏涼上焦氣
分之虛熱爲佐。以白薇去表間之浮熱爲使。要知
煩亂嘔逆而無腹痛下利等證。雖虛無寒可疑也。
妙在加桂于涼劑中。尤妙在生甘草獨多。意謂散
蘊蓄之邪。復清陽之氣。中卽自安。氣卽自益。故無
一補劑而反註其立湯之本意。曰安中益氣。竹皮
大丸神哉。喘加柏實。柏每西向。得西方之氣最深。
故能益金潤肝木而寧心。則肺不受燥。喘自平也。